



Broj: 10/E-11-4896/24
Sarajevo, ~~15-08-2024~~. godine

Na osnovu člana 69. stav (1) tačka b) i člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 69. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), na osnovu Obavijesti izabranog ponuđača „iMANAGER“ d.o.o. Sarajevo broj: 174/24 od 13.08.2024. godine, u postupku javne nabavke i isporuke pokretnih klima uređaja za potrebe Općine Centar Sarajevo, putem konkurentskog zahtjeva za dostavu ponuda, Obavještenje o nabavci broj: 848-7-1-75-3-121/24 od 22.07.2024. godine, a na prijedlog Kabineta općinskog načelnika – Odsjeka za javne nabavke, Opštinski načelnik
d o n o s i

O D L U K U

o stavljanju van snage Odluke o izboru najpovoljnijeg ponuđača broj: 10/E-11-4896/24 od 06.08.2024. godine

I Stavlja se van snage Odluka o izboru najpovoljnijeg ponuđača, broj: 10/E-11-4896/24 od 06.08.2024. godine, zajedno sa Zapisnikom o pregledu i ocjeni ponuda broj: 10/E-11-4896/24 od 01.08.2024. godine u postupku javne nabavke i isporuke pokretnih klima uređaja za potrebe Općine Centar Sarajevo, putem konkurentskog zahtjeva za dostavu ponuda, iz razloga što izabrani ponuđač „iMANAGER“ d.o.o. Sarajevo, nije dostavio dokumente/dokaze iz tačke 7.1. podtačka 7.1.3. TD (lična sposobnost), a koji se odnose na odredbe člana 45. Zakona o javnim nabavkama BIH, kao i obavijesti o otkazivanju dodjele ugovora izabranog ponuđača „iMANAGER“ d.o.o. Sarajevo od 13.08.2024. godine.

II Ovom Odlukom poništava se u cijelosti postupak predmetne nabavke, zajedno sa Obavještenjem o nabavci broj: 848-7-1-75-3-121/24 od 22.07.2024. godine.

III Ova Odluka će se objaviti na web stranici Općine Centar Sarajevo (www.centar.ba), istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak nabavke i isporuke pokretnih klima uređaja za potrebe Općine Centar Sarajevo, pokrenut je Odlukom Opštinskog načelnika o pokretanju postupka broj: 10/E-11-4896/24 od 18.07.2024. godine, putem konkurentskog zahtjeva za dostavu ponuda. Obavještenje o nabavci broj: 848-7-1-75-3-121/24 od 22.07.2024. godine, objavljeno na Portalu javnih nabavki. Procijenjena vrijednost javne nabavke iznosi 6.764,00 KM bez PDV-a. U krajnjem roku za predaju ponuda koji je određen tenderskom dokumentacijom (01.08.2024. godine do 11:00 sati), na adresu ugovornog organa dostavljena je jedna ponuda i to ponuda ponuđača „iMANAGER“ d.o.o. Sarajevo. U skladu sa članom 63. Zakona o javnim nabavkama (u daljem tekstu: Zakon), Komisija za nabavku roba, usluga i radova III (u daljem tekstu: Komisija III) je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude i rok isporuke. Na osnovu preporuke Komisije III, Opštinski načelnik je donio odluku o izboru najpovoljnijeg ponuđača broj: 10/E-11-4896/24 od 06.08.2024. godine.

Izabranom ponuđaču „iMANAGER“ d.o.o. Sarajevo je dana 06.08.2024.godine dostavljena Odluka o izboru najpovoljnijeg ponuđača, te je u skladu sa tačkom II iste, ponuđač bio u obavezi da u roku od 5 (pet) dana od dana zaprimanja Odluke, dostavi dokumente/dokaze iz tačke 7.1. podtačka 7.1.3. TD (lična sposobnost), a koji se odnose na odredbe člana 45. Zakona o javnim nabavkama BIH.

Izabrani ponuđač „iMANAGER“ d.o.o. Sarajevo do određenog krajnjeg roka nije ispunio obavezu iz tačke II Odluke o izboru, tj. nije dostavio tražene dokaze, ali je dana 13.08.2024. godine putem e-maila dostavio obavijest da otkazuje potpisivanje ugovora zbog nemogućnosti isporuke robe predmetne nabavke. Kao razlog u istoj navodi da generalni distributer za Bosnu i Hercegovinu nema dostupne tražene modele pokretnih klima uređaja, te da isti neće biti dostupni u skorije vrijeme.

Na osnovu navedenog, predlaže se Opštinskom načelniku donošenje Odluke o stavljanju van snage Odluke o izboru najpovoljnijeg ponuđača broj: 10/E-11-4896/24 od 06.08.2024. godine, zajedno sa Zapisnikom o pregledu ponuda broj: 10/E-11-4896/24 od 01.08.2024. godine.

Ovom Odlukom se predlaže i poništenje postupka predmetne nabavke u cijelosti, zajedno sa Obavještenjem o nabavci broj: 848-7-1-75-3-121/24 od 22.07.2024. godine, u skladu sa članom 69. stav (1) tačka b) Zakona o javnim nabavkama.

Opštinski načelnik je saglasan sa prijedlogom Kabineta općinskog načelnika - Odsjeka za javne nabavke, a u svemu sa odredbama Zakona o javnim nabavkama, podzakonskim propisima i tenderskom dokumentacijom za predmetu nabavku.

Iz navedenih razloga, primjenom člana 69. stav (1) tačka b) Zakona o javnim nabavkama („Službeni glasnik BiH“, broj 39/14 i 59/22), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) Zakona o javnim nabavkama.

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri).

Dokaz o plaćenju naknadi za pokretanje žalbenog postupka u iznosu propisanom članom 108. ovog zakona, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Prilog:

- Odluka o izboru najpovoljnijeg ponuđača broj: 10/E-11-4896/24 od 06.08.2024. godine, zajedno sa Zapisnikom o pregledu i ocjeni ponuda broj: 10/E-11-4896/24 od 01.08.2024. godine
- Obavijest izabranog ponuđača „iMANAGER“ d.o.o. Sarajevo Broj: 174/24 od 13.08.2024. godine



Dostaviti:

1. „iMANAGER“ d.o.o. Sarajevo
Ul. Nikole Šopa 9A2 71 000 Sarajevo
2. Kabinetu općinskog načelnika – Odsjek za javne nabavke
3. Službi za zajedničke i tehničke poslove
4. U spis